

Intmed2021/021

Na : Tur empleado

Fecha : 17 di mei 2021

PARTISIPASHON INTERNO

Apresiado kolega,

Den e konferensia di prensa di 17 di mei 2021, gobièrnu di Kòrsou a anunsiá ku entrante djáron 19 di mei tur kompania i organisashon por ofresé servisio segun nan pèmit ekonómiko. Esaki ta enserá ku empleadonan di Fundashon Kas Popular (FKP) por reanudá trabou. Sinembargo komo dunadó di trabou responsabel i ku mira riba futuro, gerensia ta partisipá lo siguiente:

Den 'INTMED2020.27' di 3 di november 2020, gerensia a indiká ku trahamentu for di kas ta eksihí sierto preparashon i instrukshon. Na e momentunan aki FKP tin 96 empleado den servisio di kua 89 ta hasi trabou di ofisina. Di e 89 empleadonan, 48 tin lèptop di kompania na nan disposishon i a traha for di kas durante di 'lockdown'.

Awor ku FKP por habri su portanan bèk, lo bai hasi un periodo di prueba. Durante e periodo di prueba aki tur empleado ku **no** tin lèptop di kompania i por lo tanto no por (a) traha na kas ta ser sperá na kantor conforme skema di trabou entrante **djáron 19 di mei 2021**.

Tur e 48 empleadonan ku tin un lèptop di kompania na su disposishon i ku a traha for di kas durante di lockdown ta sigui hasi esaki te ora ku gerensia anunsiá lo kontrali. Durante e periodo di prueba, e empleadonan en kuestion lo hasi un kombinashon, esta traha algun dia for di kas i algun dia for di kantor ('Hybride werken'). Kada empleado lo risibí instrukshon serka nan hefe (direkto) kon esaki lo bai.

Banda di e ariba menshoná, FKP lo bai hasi un inventarisashon relashoná ku trahamentu for di kas. Ku e datonan risibí, gerensia lo fiha un posishon pa e forma di traha na FKP den futuro.

A handwritten signature in blue ink is located at the bottom left of the page. It appears to be a stylized 'P' or 'R' followed by a flourish.

Gerensia ta pidi tur empleado pa koperá ku otro i komuniká debidamente pa asina e trabounan por kana na satisfakshon. Ta rekordá tur empleado ku ta trahando for di kas ku nan mester ta disponibel durante di oranan di ofisina.

Por último gerensia ta hasi un apelashon na tur kolega pa kòrda mantené nan mes tur momentu na e protokòlnan di tantu Gobièrnu i FKP. Ta di sumo importansia pa nos sigui mantené nos mes na e reglanan stipulá manera entre otro:

- No bai sinta agrupá;
- Laba man konstantemente;
- Bisti tapa boka ora ta den lugánan será (ofisina), i
- Mantené distansia físiko/sosial di por lo ménos 2 meter.
- Hasi uso mas tantu posibel di métodonan digital pa reuní.

Sperando di a informá sufisiente.

Atentamente,

A large, stylized blue ink signature that loops around the text.

ir. A.E. Con
Managing Director

Anekso: lista di empleadonan ku ta traha for di kas.